

Fuad Imširović - Završni magistarski rad

Fakultet/Akademija	FILOZOFSKI FAKULTET
Tip Rada	Završni magistarski rad
Kandidat, zvanje	Fuad Imširović
Naziv Teme	Dispozicijske determinante samopoimanja u realnom i virtualnom okruženju
Rezime/Abstract	U savremenom svijetu, kojeg prati razvoj tehnologije i sistema komunikacija, čovjek je otkrio novi vid druženja u tzv. društvenim mrežama. Ljudi u svakodnevnom životu, svjesno ili nesvjesno, definiraju način na koji će ih drugi percipirati, nadajući se da će izazvati pozitivne dojmove o sebi. Cilj ovog istraživanja je ispitati nivo percepcije samopoimanja u odnosu na stvarnost i virtualni svijet kod korisnika društvenih mreža, te kako i u kojoj mjeri ga određuju osobine ličnosti, kao i neke socio-demografske karakteristike. S obzirom na to da u svijetu postoji preko 1,5 mlrd. korisnika raznih društvenih mreža, smatramo važnim istražiti postojanje razlike između percepcije samopoimanja kod adolescenata u odnosu na njihovu stvarnost i virtualni svijet, kojeg kreiraju na društvenim mrežama, te kako i u kojoj mjeri razlike ovise od karakteristika ličnosti adolescenata. Rezultati rada pokazuju da postoje razlike u samopoimanju adolescenata u stvarnosti i u virtualnom okruženju. Zapravo, pokazane su znatno veće vrijednosti samopoimanja adolescenata u virtualnom okruženju (što je ispitivano online načinom prikupljanja podataka), posebno u sljedećim facetama samopoimanja: emotivni self, socijalni self i kognitivni self. Ovakvi rezultati se mogu razumjeti potrebom adolescenata da se u virtualnom okruženju (na društvenim mrežama) žele predstaviti u boljim varijantama sebe, kako bi dobili pozitivnu i potkrepljujuću reakciju okoline, kao i kako bi svoj self predstavili na najbolji način zajednici od nekoliko stotina, pa i hiljade prijatelja. Rezultatima rada smo pokazali i da ekstroverti adolescenti imaju izraženiji nivo samopoimanja i samopoštovanja, a što je podjednako vidljivo i u stvarnom i u virtualnom okruženju. Također, savjesnost je osobina ličnosti za koju su rezultati rada pokazali da postoji povezanost s samopoimanjem adolescenata, posebno s facetom moralni self. Ovo pokazuje da karakteristike savjesnosti, kao jedne od osobina ličnosti (kakve su disciplina, odgovornost, urednost i druge vrijednosti) spadaju u domen etičkog, moralnog segmenta ljudskog razvoja. Rezultati rada nisu potvrđili vezu otvorenosti k iskustvu i samopoimanja adolescenata u realnom i virtualnom okruženju.
Datum	20.09.2016
Predsjednik	Dr sc. Tamara Efendić Spahić, vanredni profesor izabrana za užu naučnu oblast „Psihologija“ na Filozofskom fakultetu Univerziteta u Tuzli
Mentor	Dr sc. Elvis Vardo, docent izabran za užu naučnu oblast „Primijenjene naučne psihološke discipline“ na Filozofskom fakultetu Univerziteta u Tuzli
Član komisije	Dr sc. Melisa Husarić, docent izabrana za užu naučnu oblast „Teorijske naučne psihološke discipline“ na Filozofskom fakultetu Univerziteta u Tuzli
Član komisije	-
Član komisije	-
Zamjenski član	doc. dr. Erna Emić.
Dodatni detalji i lokacija	Dana 20.09.2016. u 13:00 sati na Filozofskom fakultetu Univerziteta u Tuzli
Zavrsne Odredbe	Pristup javnosti je slobodan. Rad se može pogledati u Sekretarijatu fakulteta radnim danom od 08 do 14 sati.